

周敬羣

人堂經

經文互

說稿解



周
人
經

說

王紹蘭纂

中
華
書
局

叢書集成初編

羣經互解（及其他兩種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘二〇九二毫米 三十二分之一

統一書號：ISBN7-101-00894-1/K·367

周人經說

此據功順堂叢書
本排印初編各叢
書僅有此本

周人經說敘

孔子曰。入其國。其教可知也。其爲人也。溫柔敦厚。詩教也。疏通知遠。書教也。廣博易良。樂教也。絜靜精微。易教也。恭儉莊敬。禮教也。屬辭比事。春秋教也。鄭氏注云。春秋多記諸侯朝聘會同。有相接之辭。罪辯之事。故詩之失。愚。書之失。誣。樂之失。奢。易之失。賊。禮之失。煩。春秋之失。亂。失。謂不能節其教者也。詩敦厚近愚。書知遠近誣。易精微。愛惡相近。其爲人也。溫柔敦厚而不愚。則深於詩者也。疏通知遠而不誣。則深於書者也。廣博易良而不奢。則深於樂者也。絜靜精微而不賊。則深於易者也。恭儉莊敬而不煩。則深於禮者也。屬辭比事而不亂。則深於春秋者也。經解。紹蘭案。經解所言。詩、書、樂、易、禮、春秋。凡六經。自禮亡樂缺。其經文不可得而見之矣。今所存者。唯易書詩春秋四經而已。此四經。漢經師雖有注解。亦未必深合經旨。因博采周人所說者。得易說一卷。書說二卷。詩說四卷。春秋說一卷。凡八卷。既成。無能爲敘。藉以孔子此言弁其首。書曰。地平天成。稱也。雖有作者。吾不敢竊矣。

周人經說目錄

卷一 易說

卷二 書說上

卷三 書說下

卷四 詩說一

卷五 詩說二 以下原佚

卷六 詩說三

卷七 詩說四

卷八 春秋說

周人經說卷第一

清 蕭山王紹蘭南陔纂

易

易象

左氏說晉侯使韓宣子來聘。觀書於大史氏。見易象與魯春秋曰。周禮盡在魯矣。吾乃今知周公之德。與周之所以王也。昭二年。

乾之姤。其同人。其大有。其夬。其坤。坤之剝。

左氏說蔡墨曰。龍。水物也。水官棄矣。故龍不生得。不然。周易有之。在乾三三之姤三三。曰。潛龍勿用。其同人三三。曰。見龍在田。其大有三三。曰。飛龍在天。其夬三三。曰。亢龍有悔。其坤三三。曰。見羣龍。無首。吉。坤之剝三三。曰。龍戰于野。若不朝夕見。誰能物之。昭二十九年。

坤之比

左氏說南蒯之將叛也。枚筮之遇坤三三之比三三。曰。黃裳元吉。以爲大吉也。示子服惠伯曰。卽欲有事。何如。惠伯曰。吾嘗學此矣。忠信之事。則可。不然。必敗。外彊內溫。忠也。和以率貞。信也。故曰。黃裳元吉。黃。中之色也。裳。下之飾也。元。善之長也。中不忠。不得其色。下不共。不得其飾。事不善。不得其極。外內倡和爲忠。

率事以信爲其供養三德爲善。非此三者弗當。且夫易不可以占險。將何事也。且可飾乎。中美能黃。上美爲元。下美則裳。參成可筮。猶有闕也。筮雖吉。未也。昭十二年。

六二之動直以方也。坤六二象辭。

深衣說。曲袷如矩以應方。負繩及踝以應直。負繩抱方者。以直其政方其義也。故易曰。坤六二之動直以方也。鄭注云。袷交領也。古者方領。如今小兒衣領。繩謂袷與後幅相當之縫也。踝跟也。言深衣之直方。應易之文也。政或爲正。孔疏引鄭注。坤之六二云。直也。方也。地之性。此爻得中氣而在地土。自然之性。廣生萬物。故生動直而且方。

括囊無咎無譽。坤六四

荀子說。凡言不合先王。不順禮義。謂之姦言。雖辯。君子不聽。法先王。順禮義。黨學者。然而不好言。不樂言。則必非誠士也。故君子之於言也。志好之。行安之。樂言之。故君子必辯。凡人莫不好言其所善。而君子爲甚。故贈人以言。重於金石珠玉。觀人以言。美於黼黻文章。聽人之言。樂於鐘鼓琴瑟。故君子之於言無厭。鄙夫反是。好其實。不恤其文。是以終身不免埤汙傭俗。故易曰。括囊無咎無譽。腐儒之謂也。非相篇。

屯之比

左氏說。畢萬筮仕於晉。遇屯三三之比三三。辛廖占之曰。吉。屯固比入。吉孰大焉。其必蕃昌。震爲土。車從馬。足居之。兄長之。母覆之。衆歸之。六體不易。合而能固。安而能殺。公侯之卦也。公侯之子孫。必復其始。閔元年。

屯 屯之比 筮襲於夢

左氏說衛襄公嬖人嬀始生孟縶。孔成子夢康叔謂已立元。余使羈之孫圉與史苟相之。史朝亦夢康叔謂已。余將命而子苟與孔烝鉏之曾孫圉相元。史朝見成子告之夢。夢協嬀始生子。名之曰元。孟縶之足不良。弱行。孔成子以周易筮之。曰元尚享衛國。主其社稷。遇屯三三。曰余尚立縶。尚克嘉之。遇屯三三之比三三。以示史朝。史朝曰元亨。又何疑焉。成子曰非長之謂乎。對曰康叔名之可謂長矣。孟非人也。將不列於宗。不可謂長。且其繇曰利建侯。嗣吉何建。建非嗣也。二卦皆云子其建之。康叔命之。二卦告之。筮襲於夢。武王所用也。弗從何爲。弱足者居侯。主社稷。臨祭祀。奉民人。事鬼神。從會朝。又焉得居。各以所利。不可乎。昭七年。

屯 元亨利貞。勿用有攸往。利建侯。

屯卦辭。虞翻曰。坎二之初剛柔交震。故元亨之初得正。故利貞矣。之外稱往。初震得止起之。欲應動而失位。故勿用有攸往。震爲侯。初剛難拔。

故利以建侯。老子曰。善建者不拔也。

晉語。公子親筮之。曰。尚有晉國。得貞屯。悔象。皆八也。司空季子說吉是在易。皆利建侯。不有晉國。以輔王室。安能建侯。我命筮曰。尚有晉國。筮告我曰。利建侯。得國之務也。吉孰大焉。震車也。坎水也。屯厚也。車班外內。順以訓之。泉原以資之。不有晉國。何以當之。震雷也。車也。坎勞也。水也。衆也。主雷與車。而尚水與衆。車有震。武也。衆而順。文也。文武具。厚之至也。故曰屯。其繇曰元亨利貞。勿用有攸往。利建侯。主震雷。長也。故曰元。衆而順。嘉也。故曰亨。內有震雷。故利貞。車上水下。必伯。小事不濟。壅也。故曰勿用有攸往。一夫之

行也。衆順而有威武。故曰利建侯。韋注。內曰貞。外曰悔。震下坎上。屯。坤下震上。豫。得此兩卦。震在屯爲貞。爲大車。震爲動。爲雷。今云車者。車亦動。聲象雷。其爲小車乎。車。震也。班。偏也。循外內者。謂屯之內有震。豫之外亦有震。坤。順也。豫內爲坤。屯上與四亦爲坤。易以坤爲衆。坎爲水。水亦衆之類。內爲主也。坎象在上。故向水與衆。故所也。往之也。小人勿用有所之。君子則利建侯行師。震爲長男。爲雷。雷爲諸侯。故曰元。元。利之長也。嘉。善也。衆順服善。故曰亨。亨。嘉之會也。屯內有震。賈侍中云。震以動之。利也。侯以正國。貞也。利義之和也。貞。事之幹也。車動而上威也。水動而下順也。內有威而衆從。故必伯也。濟。成也。小事。小人之事。震動而遇坎。坎爲險阻。故曰勿用有所往。一夫。一人也。易曰。震一索而得男。故曰。一夫。又曰。震作足。故爲行也。

初筮告再三瀆瀆則不告。變卦辭。

孔子說無辭不相接也。無禮不相見也。欲民之毋相襲也。易曰。初筮告再三瀆瀆則不告。表記。鄭注云。辭。所以通情也。禮。謂擊也。春秋傳曰。古者諸侯有朝聘之事。號辭必稱先君以相接也。瀆之言褻也。

師之臨

左氏說。晉師救鄭。彘子以中軍佐濟。知莊子曰。此師殆哉。周易有之。在師三三之臨三三曰。師出以律。否臧凶。執事順成爲臧。逆爲否。衆散爲弱。川壅爲澤。有律以如已也。故曰。律否臧。且律竭也。盈而以竭。天且不整。所以凶也。不行之謂臨。有帥而不從。臨孰甚焉。此之謂矣。果遇必敗。彘子尸之。雖免而歸。必有大咎。宣十二年。

復自道何其咎。易小畜。

荀子說。易曰。復自道。何其咎。春秋賢穆公以爲能變也。大略篇。

秦之需

左氏說晉趙鞅卜救鄭陽虎以周易筮之遇泰三三之需三三曰宋方吉不可與也微子啓帝乙之元子也宋鄭甥舅也社祿也若帝乙之元子歸妹而有吉祿我安得吉焉乃止哀九年。

泰小往大來吉亨象曰天地交泰

泰卦辭象辭虞翻曰陽息坤反否也坤陰體外謂小往乾陽信內得大來天地交萬物通故吉亨荀爽曰坤氣上升以成天道乾氣下降以成地道天地二氣若時不交則爲閉塞今既相交乃通泰

董因說臣筮之得泰之八曰是謂天地配亨小往大來今及之矣何不濟之有章注乾下坤上泰遇泰無動陰及不動其數皆八故得泰之八屬下陰升故曰配亨

大有之乾

左氏說成季之將生也桓公又筮之遇大有三三之乾三三曰同復于父敬如君所閔二年

大有之睽

左氏說秦伯師于河上將納王狐偃言於晉侯曰求諸侯莫如勤王公曰筮之遇大有三三之睽三三曰吉遇公用享于天子之卦戰克而王饗吉孰大焉且是卦也天爲澤以當日天子降心以逆公不亦可乎大有去睽而復亦其所也晉侯辭秦師而下僖二十五年

豫利建侯行師

豫卦辭鄭元曰坤順也震動也順其性而動者莫不皆得其所故謂之豫豫豫說樂之貌也震又爲雷諸侯之象坤又爲衆師役之象故利建侯行師矣

晉語公子親筮之曰尚有晉國章昭曰著曰筮尚上也命得貞屯悔豫皆八也屯內曰貞外曰悔震下坎上坤下震上豫得此兩卦

震在屯爲貞。在豫爲悔。八。謂賁兩陰爻。在貞在悔皆不動。故曰皆八。謂又無爲也。
 司空季子曰。吉是在易。皆利建侯。建立也。以周易占之。二卦皆吉也。屯初九曰。利建侯。豫大象曰。

不有晉國以輔王室安能建侯我命筮曰尙有晉國筮告我曰利建侯得國之務也吉孰大焉

震車也。易坤爲車。震爲雷。爲雷。今五車者。車亦動。聲象雷。其爲小車乎。坎水也。坤土也。屯厚也。豫樂也。車班外內順以訓之。班。重也。偏也。

坤。順也。謙內爲坤。屯二與四亦爲坤。
 泉原以資之。資。財也。艮山坎水。水在山上爲泉原。流而不竭也。

厚而樂其實不有晉國何以當之。屯豫皆稱坤象。重坤故厚。豫爲樂。當。應也。震雷也車也坎勞也水也衆也。見以坤爲衆。坎爲水。水亦衆之。

主雷與車也。內爲主。而尙水與衆故尙水與衆。車有震武也降。威也。車震。衆而順文也爲順。爲。

文・象有文德
爲衆所歸
文武具厚之至也故曰屯其繇曰元亨利貞勿用有攸往利建侯利建侯正也
攸所也往通也貞貞也

主震雷長也故曰元諸侯。故曰元。元。善之長也。衆而順嘉也故曰亨嘉。善也。衆應順善。故曰亨。亨。

內有震雷故利貞
正國貞也利義之和也貞事之幹也
車上水下必伯車動而上威也水動而

下。順也。有威而衆。故必伯也。易曰。一夫之行也。夫小事不濟。壅也。故曰勿用有攸往。而遇坎。坎爲險阻。故曰勿用有所往。一夫之行也。夫

日一夫也。又曰震作足。故爲行也。衆順而有武威。故曰利建侯。坤母也。震長男也。母老子彊。故曰豫其繇曰。

利建侯行師居樂出威之謂也。
居樂。因在內也。出威。實在外也。
 故利建侯。出威。故利行師。
 是二者得國之卦也。
二者。屯。中。

糖

左氏說秦伯伐晉卜徒父筮之吉涉河侯車敗詰之對曰乃大吉也三敗必獲晉君其卦遇蠱三三曰千乘三去三去之餘獲其雄狐夫狐蠱必其君也蠱之貞風也其悔山也歲云秋矣我落其實而取其材所

以克也。實落材亡。不敗何待。傳十五年。

左氏說。晉侯求醫於秦。秦伯使醫和視之。曰。疾不可爲也。是謂近女室。疾如蠱。非鬼非食。惑以喪志。趙孟曰。何謂蠱。對曰。淫溺惑亂之所生也。於文。皿蟲爲蠱。穀之飛。亦爲蠱。在周易。女惑男。風落山。謂之蠱。三三皆同物也。昭元年。

於文。皿蟲爲蠱。穀之飛。亦爲蠱。在周易。女惑男。風落山。謂之蠱。左氏昭元年傳。

晉語說。蠱之惡。穀之飛。實生之物。莫伏於蠱。莫嘉於穀。穀興蠱伏。而章明者也。故食穀者。晝選男德。以象穀明。宵靜女德。以伏蠱隱。今君一之。是不饗穀而食蠱也。是不昭穀明而皿蠱也。夫文。蟲皿爲蠱。吾是以云。章注。惡。惡也。言蠱之爲惡。害於嘉穀。穀爲之飛。若是類生蠱疾也。伏。藏也。嘉。善也。穀氣起則蠱伏藏。穀不朽蠱。而人食之。章明之道也。選。擇也。擇有德者而親近之。以象人食穀而有聰明。靜。安也。伏。去也。言夜當安。女之有蠱者。以禍自節。以去已蠱害之病。言蠱害穀。猶女害男也。一。一晝一夜也。皿。器也。言爲蠱作器而受之。

不事王侯。高尚其事。蠱上九。

孔子說。事君。軍旅不辟難。朝廷不辭賤。處其位而不履其事。則亂也。故君使其臣得志。則愼慮而從之。否則孰慮而從之。終事而退。臣之厚也。易曰。不事王侯。高尚其事。表記。鄭注云。言臣致仕而去。不復事君也。君猶高尚其所爲之事。言尊大其成功也。

觀國之光。利用賓于王。觀六四。

左氏說。陳厲公生敬仲。其少也。周史有以周易見陳侯者。陳侯使筮之。遇觀三三。之否三三。曰。是謂觀國之光。利用賓于王。此其代陳有國乎。不在此。其在異國。非此其身。在其子孫。光遠而自他有耀者也。坤。土

也。巽風也。乾天也。風爲天于土上山也。有山之材而照之以天光于是乎居土上。故曰觀國之光。利用賓于王。庭實旅百。奉之以玉帛。天地之美具焉。故曰利用賓于王。猶有觀焉。故曰其在後乎。風行而著于土。故曰其在異國乎。若在異國必姜姓也。姜大嶽之後也。山嶽則配天。物莫能兩大。陳衰此其昌乎。莊二十二年。

復

左氏說。楚子救鄭。晉侯筮之。史曰吉。其卦遇復三三三三。曰南國蹇。射其元。王中厥目。國蹇王傷。不敗何待。成十六年。

復之頤

左氏說。鄭伯使游吉如楚。及漢。楚人還之。曰宋之盟。君實親辱。今吾子來。寡君謂吾子姑還。吾將使駟奔問諸晉。而以告。子大叔歸告子展曰。楚子將死矣。不修其政德而貪昧於諸侯。以逞其願。欲久得乎。周易有之。在復三三三三之頤三三三三。曰迷復凶。其楚子之謂乎。欲復其願而棄其本。復歸無所。是謂迷復。能無凶乎。君其往也。送葬而歸。以快楚心。楚不幾十年。未能恤諸侯也。吾乃休吾民矣。襄二十八年。

不耕穫。不菑畲。无妄。

孔子說。禮之先幣帛也。欲民之先事而後樂也。先財而後禮。則民利。無辭而行情。則民爭。故君子於有饋者弗能見。則不視其饋。易曰不耕穫。不菑畲。凶。無事而取利者乎。田一歲曰菑。二歲曰畲。三歲曰新田。坊記。鄭注云。言必先種之乃得穫。若先畲乃得畲也。安有。

不家食吉。大畜。

孔子說事君。大言入則望大利。小言入則望小利。故君子不以小言受大祿。不以大言受小祿。易曰。不家食吉。表記。鄭注曰。此大畜象辭也。象曰。不家食。吉。養賢也。言君有大畜積。不與家食之而已。必有祿賢者。賢有大小。祿有多少。孔疏引鄭易注云。自九三至上九有顯象。居外。是不家食吉而養賢。

咸

荀子說易之咸。見夫婦。夫婦之道。不可不正也。君臣父子之本也。咸。感也。以高下下。以男下女。柔上而剛下。大略篇。

不恆其德。或承之羞。恆九三。

恆其德。貞。婦人吉。夫子凶。恆六四。

孔子說。南人有言曰。人而無恆。不可以爲卜筮。古之遺言與。龜筮猶不能知也。而況於人乎。易曰。不恆其德。或承之羞。恆其德。貞。婦人吉。夫子凶。繡衣。鄭注云。不可爲卜筮。言卦兆不能見其情定吉凶也。羞。猶辱也。幹事。而以問正爲常德。是亦無恆之人也。

大壯

左氏說史墨曰。天生季氏以貳魯侯。爲日久矣。民之服焉。不亦宜乎。魯君世從其失。季氏世修其勳。民忘君矣。雖死於外。其誰矜之。社稷無常奉。君臣無常位。自古以然。在易卦。雷乘乾曰大壯。三三。天之道也。昭三十二年。

明夷之謙

左氏說。穆子之生也。莊叔以周易筮之。遇明夷三三之謙三三。以示卜楚丘曰。是將行而歸爲子祀。以謙人入。其名曰牛。卒以餒死。明夷日也。日之數十。故有十時。亦當十位。自王以下。其二爲公。其三爲卿。日上其中。食日爲二。旦日爲三。明夷之謙。明而未融。其當旦乎。故曰。爲子祀。日之謙當鳥。故曰。明夷于飛。明而未融。故曰。垂其翼。象日之動。故曰。君子于行。當三在旦。故曰。三日不食。離火也。艮山也。離爲火。火焚山。山敗於人爲言。敗言爲讒。故曰。有攸往。主人有言。言必讒也。純離爲牛。世亂讒勝。勝將適離。故曰。其名曰牛。謙不足。飛不翔。垂不峻。翼不廣。故曰。其爲子後乎。吾子。亞卿也。抑少不終。昭五年。

困之大過

左氏說。齊棠公之妻。東郭偃之姊也。東郭偃臣崔武子。棠公死。偃御武子以弔焉。見棠姜而美之。使偃取之。偃曰。男女辨姓。今君出自丁。臣出自桓。不可。武子筮之。遇困三三之大過三三。史皆曰。吉。示陳文子。文子曰。夫從風。風隕妻。不可娶也。且其繇曰。困于石。據于蒺藜。入于其宮。不見其妻。凶。困于石。往不濟也。據于蒺藜。所恃傷也。入于其宮。不見其妻。凶。無所歸也。襄二十五年。

艮之隨

左氏說。穆姜薨于東宮。始往而筮之。遇艮之八三三。史曰。是謂艮之隨三三。隨其出也。君必速出。姜曰。亡。是於周易曰。隨。元亨利貞。无咎。元。體之長也。亨。嘉之會也。利。義之和也。貞。事之幹也。體仁足以長人。嘉德

足以合禮。利物足以和義。貞固足以幹事。然故不可諛也。是以雖隨無咎。今我婦人而與於亂。固在下位。而有不仁。不可謂元。不靖國家。不可謂亨。作而害身。不可謂利。棄位而姦。不可謂貞。有四德者。隨而無咎。我皆無之。豈隨也哉。我則取惡。能無咎乎。必死於此。弗得出矣。襄九年。

歸妹之睽

左氏說。晉獻公筮嫁伯姬於秦。遇歸妹三三之睽三三。史蘇占之。曰。不吉。其繇曰。士刲羊。亦無盭也。女承筐。亦無貺也。西鄰責言。不可償也。歸妹之睽。猶無相也。震之離。亦離之震。爲雷爲火。爲羸敗姬。車說其輶。火焚其旗。不利行師。敗于宗邱。歸妹睽孤。寇張之弧。姪其從姑。六年其逋。逃歸其國。而棄其家。明年其死於高梁之墟。僖十五年。

豐之離

左氏說。鄭公子曼滿與王子伯廖語。欲爲卿。伯廖告人曰。無德而貪。其在周易。豐三三之離三三。弗過之矣。閒一歲。鄭人殺之。宣六年。

東鄰殺牛。不如西鄰之禴祭。寔受其福。

孔子說。敬則用祭器。故君子不以菲廢禮。不以美沒禮。故食禮。主人親饋。則客祭。主人不親饋。則客不祭。故君子苟無禮。雖美不食焉。易曰。東鄰殺牛。不如西鄰之禴祭。寔受其福。坊記。鄭注云。東鄰。謂封國中也。西鄰。謂文王國中也。此辭在既濟。既濟離下坎上。離爲牛。坎爲豕。西鄰禴祭。則用豕。與言殺牛而凶。不如殺豕受福。喻奢而慢。不如儉而敬也。春秋傳曰。黍稷非馨。明德惟馨。信矣。